

UBAINIFU YAKINIFU

(kuhusu makosa ya kimanhaji na kielimu, yaliofanywa
na baadhi ya wanaojinasibisha na maswala ya elimu)

MAKALA NO (5)

IMEANDIKWA NA:

ABUU IBRAAHIIM IBNU AL IMAAM

١٤٣٨/٤/١٨ هـ

بِسْمِ اللَّهِ الرَّحْمَنِ الرَّحِيمِ.

الحمد لله رب العالمين، والصلاة والسلام على النبي الكريم، وعلى آله وأصحابه أجمعين.
أما بعد.

Baada ya kumshukuru Allah Mtukufu, na kumswalia Mtume wetu kipenzi, na Ahli zake, na Maswahaba wake wote:

Ndugu msomaji, katika makala namba nne, tumeahidi kuendeleza maudhui inayohusu matumizi ya neno: waliyyu Llaah, na waliyyu Sshaitwaan, ambayo matumizi yake ni kama Hizbu Llaah na Hizbu Sshaitwaan kama alivyokiri Abdurrah'man hilo, na tutazidi kuangalia sharhu za wanachuoni wengine.

Tukiwa tumeona kua miongoni mwa waliosema kua: waumini wote ni mawalii wa Alla: ni Imaamu Abuu Ja'far Attwahaawiy, katika Aqida yake ambapo amesema:

وكل المؤمنين أولياء الرحمن

"Na waumini wote ni mawalii wa Alla"

Ambapo pia tumeona ufafanuzi wa Shekh Fauzani akiunga mkono maneno hayo na kuyafafanua kama tulivyoona kwenye makala iliyopita:

Leo tutaona jinsi Sheikh Swaaleh Aalu Sshaikh hafidhwahu Llaahu, alivyofafanua maneno hayo ya Imaamu Attwahaawy, ambapo amesema:

يقرر الطحاوي هنا معتقد أهل السنة في أن ولاية الرحمن متعلقة بكل مؤمن، فأولياء الرحمن هم المؤمنون، وكل مؤمن له نصيب من ولاية الله عز وجل التي وعد بها عباده المؤمنين المتقين، وكذلك يقرر أن التفاضل بينهم، أي: فيما بين المؤمنين، إنما هو باتباعهم للقرآن وتقواهم، وكثرة طاعتهم لله عز وجل، فمن كان أكثر طاعة لله عز وجل وأحسن طاعة، وأتبع للقرآن، فإنه أحق بتفضيل في ولاية الرحمن عز وجل له"

شرح العقيدة الطحاوية للشيخ صالح آل الشيخ ٧٠/٢ مكتبة دار الحجاز.

"Anaeleza Attwahaawiy, hapa itikadi ya Ahlu Ssunna kwamba walaya(nusra na mahaba) ya Allah inaingia kwa kila muumini, kwani mawalii wa Allah ni waumini, na kila muumini ana sehemu ya walaya(nusra na mahaba) ya Allah mtukufu ambayo amewaahidi waja wake wachamungu.

Vile vile anaeleza kua kutofautiana kwa walaya ya Allah kati ya waumini, inakua kwa kufuata kwao Qur,aan na kumcha Allah, na kukithiri kwao kumcha Allah mtukufu, basi Yule ambaye atakua na twa'a nyingi na kwa uzuri zaidi na kufuata Qur,aan zaidi: hakika huyo ana haki zaidi ya kupata walaya(nusra) ya Allah Mtukufu."

Tazama: kitabu cha shekhe: Sharhul Aqiidatu Ttwahaawiyya 2/70.

Pia amesema (baada ya kutaja aya zinazoonyesha kua mawalii wa Allah ni waumini):

ولاية الله عز وجل للعبد إنما هي بسبب إيمانه، وكل مؤمن له نصيب من التقوى بحسب

إيمانه

شرح العقيدة الطحاوية للشيخ آل الشيخ ٧١/٢

"Walaya (nusra) ya Allah kwa mja hakika inapatikana kwa sababu ya imani yake, na kila mu'mini (muislamu) ana sehemu ya uchamungu kulingana na Imani yake"

Tazama kitabu cha sheke: Sharhul aqiidtu Ttwahaawiyya 2/71.

Kisha akasema tena katika kuelezea maana ya walii kisheria, na tofauti ya walii kwa maana ya ujumla na walii kwa maana maalumu, **akasema:**

وفي تعريف أهل العلم قالوا: الولي: هو كل مؤمن تقي ليس بنبي، ويمكن أن نقول: كل مؤمن ليس بنبي، لأن كل مؤمن له نصيب من التقوى، لكن في الاصطلاح الخاص لا بد من تكميل الإيمان والتقوى بحسب الاستطاعة.

شرح العقيدة الطحاوية للشيخ صالح آل الشيخ ٧١-٧٢ / ٢.

"Na katika maelezo ya wanachuoni kuhusu maana ya waliyyu, wamesema: waliyyu: ni kila muumini mchamungu, nabii.

Na inawezekana tukasema: ni kila muumini asiyekua nabii, kwa sababu kila muumini ana sehemu ya uchamungu, lakini katika maana maalumu (ya walii):lazima kukamilika imani na uchamungu kwa kadri ya uwezo"

Tazama kitabu cha shekhe: Sharhul aqiidatu Ttwahaawiyya 2/71-72.

Kisha akaleta dalili kama tulizoleta huko nyuma za kuonyesha maana maalumu ya uwalii, **kisha akasema:**

وإذا كان كذلك، فملتقرر عند أهل السنة والجماعة أن الإيمان يتفاضل أهله فيه، والتقوى يتفاضل أهلها فيها، وإذا كان الإيمان متفاضلاً، والتقوى متفاضلة، فينتج من ذلك أن ولاية الله لعبده متفاضلة، فيجتمع إذا في حق المؤمن المعين ما يوجب الولاية من الله عز وجل، بإيجابه على نفسه، ووعده الحق، وما يسبب العداوة، فمادة الإيمان والتقوى أثرها ولاية الله عز وجل لعبده، وهي محبته له، ونصرته له، ومادة الظلم والطغيان والذنب: عليها وعيد من الله عز وجل بسلب الولاية الكاملة، فهذه تجتمع في حق المؤمن: فمن جهة يكون ولياً، ومن جهة أخرى يكون ظالماً لنفسه.

شرح العقيدة الطحاوية لآل الشيخ ٧٢/٢

"Na ikiwa hivyo: kilicho kubaliwa kwa Ahlu Ssunna wal jama'a: ni kua waumini imani zao na uchamungu wao unazidiana, na kama ikiwa imani na uchamungu vinazidiana:

Kunapatikana(kutokana na hilo) kujulikana kua uwalii wa Allah kwa mja wake unazidiana, kwani kunapatikana katika haki ya muumini(muislamu) mmoja mambo yanayompelekea kupata walaya (nusra) ya Allah kwa kujiwajibishia hivyo nafsi yake, na Ahadi yake ni ya Haqqi.

(pia) kwa mtu mmoja huyo huyo mwenye imani, kunaweza kupatikana kwake mambo yanayosababisha uadui wa Allah.

Basi neno (imani na uchamungu) athari yake (inapelekea) kupatikana walaya (nusra) ya Allah kwa kiumbe wake, kwa kumpenda, na kumnusuru. Na neno: dhulma, na uwadui, na dhambi, haya yana onyo la Allah la kuwaondolea uwalii ulio kamilika.

Na hili linakusanyika katika haki ya muumini, kwa upande anakua walii (wa Alla), na kwa upande mwingine anakua ameidhulumu nafsi yake"

Tazama kitabu cha shekh: Sharhul aqiidatu Ttwahaawiyya, 2/72.

Kisha kwenye ukurasa 2/73 akataja vigawanyo viwili vya maana ya waliyyu LLaah iliyokamilika ambavyo tulivitaja huko nyuma, ambavyo ni muqtaswiduuna, na assaabiqunna bil khairaati.

Kisha akafafanua kwa uwazi zaidi kua waislamu wenye madhambi makubwa, hawatoki kwenye uwalii wa Allah moja kwa moja kama makafiri.

amesema aliposherehesha qauli ya Imaam

Attwahaawy isemayo:

وذلك بأن الله تعالى تولى أهل معرفته، ولم يجعلهم في الدارين كأهل نكرته، الذين خابوا من هدايته، ولم ينالوا من ولايته.

"Na hilo(la kua mfanya madhambi makubwa yuko chini ya matashi ya Allah, akitaka anamsamehe, na akitaka anamuadhibu kwa kadri ya madhambi yake kisha anamtoa na kumuingiza peponi):

Ni kwa sababu Alla mtukufu amewanusuru (amewapa walaya) waislamu, na hakuwafanya duniani na akhera daraja zao kua sawa na makafiri, ambao wamepata hasara ya kukosa uongofu wa Allah, na hawakupata walaya (nusra) yake"

Amesema **Sheikh Swaaleh Aalu**

sshaikh katika kusherehesha maneno hayo:

وهذا هو الذي أرادہ رحمہ اللہ فی أن أهل الكبائر فی اعتقاد أهل السنة والجماعة لا یخلون من نوع ولاية لله عز وجل لهم، فالله عز وجل تولى أهل معرفته، وهم أهل توحیده، ولم یجعلهم فی الدارين، أي: فی الدنيا والآخرة، كأهل نكرته، وهم أهل الكفر الذين یعرفون نعمة الله ثم ینكرونها، بل لهم نصیب من ولاية الله عز وجل. فولایة الله، وهي محبته ونصرته فی حق المعین من أهل القبلة تتبعض، فتكون فی فلان أعظم منها فی فلان، فالمؤمن المسدد الذي كمل إیمانه بحسب استطاعته له من ولاية الله عز وجل الولاية الكاملة التي تناسب مقامه فی الإیمان، والذي یخلط عملا صالحا وآخر سیئا له نصیب من محبة الله عز وجل وولایته ونصرته بحسب ما عنده من الإیمان. إذا فی حق المعین حتى من أهل الكبائر یجتمع فیہ ولاية من جهة، وخذلان من جهة أخرى، وهذا هو معتقد السلف، وأهل السنة والجماعة فی هذه المسألة العظيمة.

شرح العقيدة الطحاوية للشيخ صالح آل الشيخ ١٠٩/٢ - ١١٠

"Na hili, ndilo ambalo (Imaamu Ttwahawiy Allah amrehemu) amelikusudia, kwamba waislamu wenye madhambi makubwa (katika itikadi ya Ahlu Ssunna wal jama'a), hawakosi sehemu ya walaya (nusra na mapenzi) ya Allah, Allah amewakurubisha waliomjua, nao ni watu waliompwekesha Allah.

na hakuwafanya (waislamu) duniani na akhera sawa na wale waliomkataa, nao ni makafiri, ambao wanazijua neema za Alla, kisha wanazikataa.

Bali(hao waislamu wenye madhambi makubwa) wana sehemu katika walaya ya Alla Mtukufu.Kwahiyo, walaya ya Allah (ambayo ni Alla kumpenda mja wake na kumnusuru) katika haki ya mtu mmoja mmoja katika ahlul qibla (waislamu) inatofautiana viwango.Kwani inakua kwa flani ni kubwa zaidi kuliko Fulani.

Kwa hiyo kwa muumini aliyepewa taufiq na Allah, ikakamilika imani yake, kwa kadri ya uwezo wake: huyo ana walaya (nusra na mapenzi) kutoka kwa Allah yaliokamilika kulingana na kiwango chake cha imani.

Na Yule ambaye anachanganya matendo mazuri, na mengine mabaya, huyo ana sehemu katika mapenzi ya Allah, na nusra yake na walaya yake na msaada wake, kulingana na kiwango cha imani yake aliyonayo na matendo yake mema.

Kwahiyo: katika haki ya mtu mmoja mmoja (hata wafanya madhambi makubwa): inakusanyika kwake walaya ya Allah kwa upande, na kukosa nusra (kuchukiwa na Allah) kwa upande mwingine.

Na hii ndio itikadi ya wema waliotangulia (Assalafu Sswaalih), AhluSsunna wal jama'a katika mas'ala hii kubwa"

Tazama kitabu cha shekhe: Sherhul Aqiidatu Ttwahaawiyya 2/109-110.

Ndugu msomaji: nadhani umejionea ni ipi itikadi sahihi ya Ahsu Ssunna wal jama'a katika swala hili, na kua YOYOTE ANAYEDAI KUA HAINGII KILA MUISLAMU KWENYE WALAYA YA ALLA KWA UJUMLA, BASI HUYO ATAKUA AMEINGIA KWENYE ITIKADI YA KIKHAWARIJI NA MU'UTAZILA.

Na hakuna shaka kua Abdurrhaman na khamis Ame ni katika hao waliojiingiza kwenye itikadi hii mbovu kabisa bila kujua! Kwani maneno ya Abdurrahman yako wazi aliposema:-**namnukuu**-:

"Na mfano wake mwingine, ni kama tunaposema: auliyaau Ilaahi, na auliyaau sshaitwaan, haiwezekani auliyaau Ilaah awe kila muislamu, eti ni waliyyu Ilaah"

Subhaana Llaah, ewe Abdu Rrah'maan, hivi hujui kua maneno yako hayo (kwa hii Itwlaaq bila ya ufafanuzi kama tuliobainisha) ni itikadi ya kikhawariji? Huoni kua unawakufurisha waislamu wanaofanya madhambi makubwa?

Halafu cha ajabu anasema kwa kudhania: "sidhani kama kuna mwanachuoni hata mmoja, ambaye anasema maneno kama haya"

Na uhalisia ndugu msomaji ni kama tulivyoona dalili na ufafanuzi wa wazi wa wanachuoni kuhusu mas'ala haya, na ni wajibu kwa yoyote anayejinasibisha katika ulinganiaji kuyaelewa mas'ala haya na kuyafafanua kwa mujibu wa dalili na kwa ufafanuzi wa Wanachuoni wetu wa Ahlussunna.

na wala si kudhania dhania na kuzungumza kwa mujibu wa uoni binafsi!

MATATIZO YA UFAHAMU!

Kutokana na matatizo ya ufahamu katika misingi

mikubwa ya dini: Abdurrah'man amejikuta akichanganya mambo zaidi!

Kwani kilichompelekea kukataa neno Hizbu Llaah, au neno Auliyaau LLaah (mawalii wa Allah) kuingia kwa kila muislamu kwa maana ya ujumla: ni kuona kua hao Hizbu Llaah, na hao Mawalii wa Allah, wamesifiwa katika qur,aan kua: Allah amewaridhia, pia wamesifiwa kua: wataingia peponi, na wataishi humo milele.

Akidhani kua maneno hayo hayawahusu kwa namna yoyote ile waislamu wanao fanya madhambi makubwa! Na ndio maana akashindwa kuelewa maneno ya Imaam Ibnu kathiir **aliposema:**

فكل من رضي بولاية الله ورسوله والمؤمنين فهو مفلح في الدنيا والآخرة ومنصور في الدنيا والآخرة.

"Kila mwenye kuridhia walaya ya Alla (akamfanya Allah ndio walii wake) na mtume wake, na waumini: huyo ni mwenye kufaulu duniani na akhera, na ni mwenye kunusuriwa duniani na akhera"

Ambapo Abdurrah'man alisema baada ya kuweka

maneno haya kua: maneno hayo ya Ibnu kathir yanonyesha kua neno hizbu Llaah lilotumika kwenye Aya lina maana maalumu, na haingii kila muislamu!

Pia akanukuu maneno ya Imaam Assa'ady –

akitafsiri neno:

ألا إن حزب الله هم الغالبون

yasemayo:–

أي: فإنه من الحزب المضامين إلى الله إضافة عبودية وولاية، وحزبه هم الغالبون الذين لهم العاقبة في الدنيا والآخرة

"maana yake: hakika (mwenye kumfanya Alla na mtume wake na waumini kua mawalii wake) huyo ni katika kundi lililoegemezwa kwa Alla, uegemezi wa kiuja na kinusra, na kundi la Alla ndilo lenye kushinda, na ambao wana mwisho mzuri duniani na Akhera"

Abdurrah'maan akaweka maneno yake katika kusherehesha maneno hayo ya Ibnu kathiir akasema:

"Maneno haya ya Al imam assa'ady yamejulisha kwamba: maana ya neno Hizbu Llaah si maana ya ki'aamun, kwa maana kila mmoja anaingia, bali hii ni maana khaasw"

MAJIBU YA MANENO HAYO KWA UFUPI:**KWANZA KABISA:**

Kama tulivyofafanua kwenye makala zilizopita: kwamba inapozungumzwa Hizbu Llaah, au Waliyyu Lllah dhidi ya Hizbu Sshaitwaan au Auliyaau Sshaitwaan katika mlango wa kuzungumzia waislamu na makafiri:

basi Hizbu LLaah, na Auliyaau Lllah, wanaingia waislamu wote. Lakini wanatofautiana katika hiyo walaya na kuwa karibu na Alla, kwani wako ambao ni Hizbu Llaah, na Mawalii wa Allah waliokamilika.

na wako ambao wanaingia katika uwalii wa Alla katika yale walio mtii Alla, na hawaingii katika yale walio muasi Allah.

Na Hizbu Sshaitwan na Mawalii wa shetani wa moja kwa moja ni makafiri.

Sasa, aya hapo zimekuja kuzungumzia upande wa

wanafiki na mayahudi, na upande wa waislamu. na hivyo kila muislamu anaingia katika Hizbu Llaah kwa kadri ya Imani yake, na uchamungu wake.

Pili:

Maneno ya Imaam Ibnu kathir,na Assa'dy Allah awarehemu, hayaonyeshi kua wanaoingia kwenye Hizbu Llaah (iliokuja kwenye aya mbili dhidi ya makafiri) ni baadhi ya waislamu! Kwasababu kabla ya kuwasifu kua wao ni Hizbu Llaah, alitanguliza kusema:

ويدخلهم جنات تجري من تحتها الأنهار خالدین فیها أبدا

"Na atawaingiza kwenye mabustani(ya peponi) ambayo inapita chini yake mito, watakaa humo milele"

kisha baada ya kusema: Alla amewaridhia na wao wamemridhia Alla: akasema: hao (walioahidiwa pepo na kuridhiwa na Alla) ni Hizbu LLaah, ni kundi la Alla.

Swali kwako Abdu Rrah'maan, ukisema kua si waislamu wote wanaoingia kwenye Hizbu Llaah iliosifiwa dhidi ya makafiri kua itaingia peponi,

je, kuna waislamu hawatoingia peponi milele?

Ukisema ndio, ni Itikadi ya Kikhawariji na Mu'utazila, ukisema sio, basi unakubali kua waislamu wote wanaingia katika Hizbu LLaah yenye maana ya ujumla, kwani hao Hizbu Llaah(walioletajwa dhidi ya makafiri hapo) ndio wameahidiwa pepo.

Lakini pamoja na kuahidiwa pepo waislamu wote, wako walioahidiwa pepo kwa kuingia moja kwa moja bila kupata Adhabu yoyote.

na hawa ndio walio ridhiwa na Alla kuridhia kuliko kamili, nao ni wale waliokua na daraja kamili katika imani zao na matendo yao, na hawa ndio wale mawalii wa Alla walio kamilika.

Na wako ambao wameahidiwa kuingia peponi lakini baada ya kuadhibiwa na Alla motoni kwa kadri ya madhambi yao-ikiwa hawatosamehewa na Alla-, kisha baada ya Adhabu hiyo, watatolewa na kuingizwa peponi, na humo watakaa milele.

Na hakuna hata muislamu yoyote atakaa motoni milele, na itikadi hiyo ni itikadi ya kikhawajiri na mu'tazila na wanaowaunga mkono.

Kwa maan hiyo: wanaoingia peponi moja kwa moja hawa wamepata radhi za Alla kamili, na wataingia peponi tangia mwanzo.

Na wanaoingia motoni kwanza kisha wakatolewa na kuingia peponi: hawa wamepata radhi za Alla kwa kwa kadri ya asli ya Imani yao na matendo yao mazuri.

na wamechukiwa na Alla kwa maasi yao yaliyowaingiza motoni, lakini baada ya kutoka motoni, na kuingia peponi, watakaa humo milele.

Kwahiyo aliyeingia mwanzo, na aliyechelewa kuingia wote watakaa peponi milele, japo pepo zinatofautiana madaraja kulingana na imani na matendo.

Kwa ufafanuzi huo: maneno ya mashekhe wawili hao hayaonyeshi kua kuna waislamu hawaingii katika Hizbu Llaah kwamaana ya waislamu wote kwa ujumla.

Hususan ikilinganishwa kua aya hizo zilikua zinazungumzia upande wa waislamu na upande wa makafiri, pia ikilinganishwa kua Alla amewaahidi pepo, dhidi ya makafiri ambao amewaahidi moto.

Na ndio maana Assheikh **swaaleh Aalu Ssheikh** akasema:

كل آية فيها ذكر وعد لأهل الإيمان، فإنه يدخل فيها أهل الكبائر، لأنهم يدخلون في أنهم مؤمنون، وكل وعيد جاء لأهل الكفر بالخلود في النار فإنه يخرج منه أهل الكبائر من هذه الأمة - إذا ماتوا موحدين - لأنهم ليسوا من أهل الإشراك والكفر... وإنما لأهل الكبائر من هذه الأمة وعيد خاص في أنهم قد يعذبون، وقد يغفر لهم، وأنهم يؤول بهم الأمر بتوحيدهم إلى الجنة.

شرح العقيدة الطحاوية للشيخ آل الشيخ ٩٦/٢

"Na kila aya ambayo ndani yake kumetajwa ahadi (ya kupata pepo na kufaulu akhera) kwa waumini, basi hakika wanaingia (pia katika ahadi hiyo) waislamu wenye madhambi makubwa, kwa sababu wao wanaingia kwa kua

ni waumini.

Na kila ahadi ya kukaa motoni milile iliyokuja kwa makafiri, hawaingii katika ahadi hiyo waislamu wenye madhambi makubwa wakifa katika kumpwekesha Alla,(yani wakifa si washirikina), kwasababu wao si katika watu wa ukafiri wala wa ushirikina...

Lakini waislamu waliofanya madhambi makubwa katika umma huu wana ahadi maalumu, yakua Allah anaweza kuwaadhibu, na anaweza kuwasamehe, na kua mwisho wa suku wataingia peponi kutokana na kumpwekesha kwao Allah".

Tazama kitabu cha shekeh: Sharhul Aqiidatu Ttwahaawiyya 2/96.

Maneno hayo ya mwanachuoni: yanaonyesha jinsi gani Abdru Rrah'man amekosea matumizi ya dalili, pia ni majibu tosha ya hoja yake aliyoongea baada ya hapo, inayohusu

رعاية الله

"uangalizi wa Alla" ambao ufafanuzi wake, ni kama tulivyobainisha katika neno walii wa Alla.

Lakini kwakua kuna maneno ya Assheikh Ibnu O'thaimiin, ambayo hajayaelewa, ni vizuri tukayafafanua kwenye MAKALA, NYINGINE **NAMBA SITA** Inshaa Alla.

IMEANDIKWA NA:

ABUU IBRAAHIIM IBNU AL IMAAM.

وفقه الله وغفر له ولوالديه ولجميع المسلمين.

هـ ١٤٣٨/٤/١٨